

## **Reglur um meistaranám við lagadeild Háskólans í Reykjavík**

### **1. gr.**

#### ***Meistarapróf í lögfræði***

Lagadeild Háskólans í Reykjavík veitir prófgráðuna: meistarapróf í lögfræði (ML) að loknu 120 ECTS eininga framhaldsnámi á meistarastigi við deildina með fullnægjandi árangri.

### **2. gr.**

#### ***Fullnaðarpróf í lögfræði***

Nemandi sem lokið hefur meistaraprófi í lögfræði (ML) frá lagadeild Háskólans í Reykjavík og a.m.k. 240 ECTS einingum í lögfræðigreinum innan grunn- og meistaranáms í lögfræði, telst hafa lokið fullnaðarprófi í lögfræði frá lagadeild Háskólans í Reykjavík í skilningi 4. tl. 1. mgr. 6 gr. 1. nr. 77/1998 um lögmenn. Er það próf jafngilt embættisprófi í lögfræði í skilningi laga.

### **3. gr.**

#### ***Inntak námsins***

Í meistaranáminu skal nemandi ljúka að lágmarki 60 ECTS einingum í lögfræðigreinum, en nemandi er heimilt ljúka allt að 60 ECTS einingum í öðrum greinum á háskólastigi, sbr. nánar ákvæði 14. gr. Nemendur sem ekki hafa lokið BA prófi í lögfræði eða sambærilegu prófi og hlotið hafa inngöngu í meistaranám á grundvelli c-liðar 5. gr. reglna þessara, skulu þó ljúka að lágmarki 105 ECTS einingum í lögfræðigreinum. Námsgreinar í kennsluskrá fyrir meistaránám við lagadeild Háskólans í Reykjavík skulu teljast lögfræðigreinar í framangreindum skilningi, nema deildarfundur ákveði annað. Námskeið eða verkefni við aðrar deildir Háskólans í Reykjavík eða aðrar innlendar eða erlendar háskólastofnanir teljist ekki til lögfræðigreina í framangreindum skilningi nema Námspróunarráð ákveði annað.

Öllum nemendum í meistaranámi er skylt að skrifa meistaraprófsritgerð, 30 eða 60 ECTS eininga, sbr. nánar reglur um meistaraprófsritgerðir í 13. gr.

Að öðru leyti ákveður nemandi sjálfur samsetningu meistaranáms síns, innan þeirra marka sem reglur þessar mæla fyrir um og þess framboðs náms sem deildin hverju sinni ákveður.

#### 4. gr.

##### *Verkefni Námsþróunarráðs*

Í tengslum við meistaranám í lögfræði við lagadeild Háskólans í Reykjavík skal Námsþróunarráð fara með eftirfarandi verkefni:

- a. Gera tillögur til deildarforseta um framboð á kjörgreinum og málstofum og eftir atvikum um ráðningu stundakennara.
- b. Hafa frumkvæði að samningsgerð við stofnanir og fyrirtæki um starfsnám.
- c. Fjalla um umsóknir um meistaranám og gera tillögur til deildarforseta um hverjir fá þar inngöngu.
- d. Fjalla um og taka ákvarðanir um mat á námi frá öðrum háskólum.
- e. Veita umsagnir og álit varðandi erindi frá deildarforseta.
- f. Úrskurða um ágreining í þeim tilvikum sem svo er mælt fyrir um í reglum þessum.
- g. Gera aðrar tillögur og taka aðrar ákvarðanir sem nauðsynlegar eru og sem mælt er fyrir um í reglum þessum.

Námsþróunarráð getur sett sér starfsreglur sem mæla nánar fyrir um framkvæmd liða a-g.

#### 5. gr.

##### *Inntökuskilyrði*

Umsækjandi um meistaranám við lagadeild Háskólans í Reykjavík skal hafa lokið BA- eða BS-prófi, eða sambærilegu prófi, frá viðurkenndum háskóla. Námsþróunarráð metur umsóknir og gerir tillögu til deildarforseta um hvaða nemendum skuli veitt innganga í meistaranám. Námsþróunarráð getur sett sér starfsreglur um framangreint mat.

(a) Umsækjendur sem lokið hafa BA-prófi frá lagadeild Háskólans í Reykjavík með meðaleinkunnina 6,0 eða hærri skulu eiga rétt til inngöngu í meistaranám (ML). Námsþróunarráð getur heimilað umsækjanda aðgang að meistaranámi ef hann hefur lokið a.m.k 165 ECTS einingum af grunnnáminu og uppfyllir að öðru leyti framangreind skilyrði. Nemendur sem hefja meistaranám án þess að hafa að fullu lokið grunnnámi, skulu ekki fá skráðar einingar fyrir námskeið og verkefni í meistaranámi fyrir en þeir hafa lokið BA-prófi í lögfræði með þeim lágmarkseinkunnum sem krafist er í fyrsta málslið eða sótt um og fengið inngöngu í meistaranám á grundvelli B-liðar þessarar greinar. Nemendur sem hefja meistaranám áður en BA prófi er lokið skulu ljúka grunnnáminu á fyrstu tveimur önnum meistaranáms. Ljúki nemandi ekki framangreindum einingum á tilskildum tíma fellur frekari réttur hans til meistaranáms niður þar til að grunnnámi er lokið

(b) Umsækjendur sem lokið hafa BA-prófi frá lagadeild Háskólans í Reykjavík en sem ekki uppfylla kröfur a-liðar um námsárangur og umsækjendur með BA-próf í lögfræði eða sambærilega námsgráðu frá öðrum háskólum, geta sótt um að stunda nám til meistaraþrófs (ML) við lagadeild Háskólans í Reykjavík. Við mat á slíkum umsóknum skal Námsþróunarráð líta sérstaklega til samsetningar náms umsækjanda og námsárangurs í einstökum þáttum þess. Eigi meistaraþróf í lögfræði (ML) að leiða til fullnaðarþrófs í lögfræði í skilningi 4. tl. 1. mgr. 6 gr. 1. nr. 77/1998 um lögmennt og vera

jafngilt embættisprófi í lögfræði í skilningi laga, getur Námsþróunarráð sett almennar reglur og gert sérstakar kröfur umfram þær sem leiddar verða af reglum þessum um inntak meistaranáms og námsárangur. Getu þær kröfur m.a. falið í sér að nemandi verði gert að ljúka tilteknum námskeiðum eða verkefnum í grunnnámi deildarinnar án þess að nýta megi þær einingar sem þannig er unnið til sem hluta af meistaranámi. Einnig geta viðbótarkröfur falið í sér að nemandi skuli ná betri námsárangri en almennar kröfur gera ráð fyrir í hluta meistaranáms eða náminu öllu. Deildarforseti ákveður gjalddöku vegna viðbótarnámskeiða sem nemendum er gert að ljúka úr grunnnámi.

(c) Umsækjendur með BA- eða BS- gráðu í öðrum námsgreinum en lögfræði geta fengið inngöngu í meistaranám. Við mat á slíkum umsóknum skal Námsþróunarráð líta sérstaklega til samsetningar náms umsækjanda og námsárangurs í einstökum þáttum þess. Þá skal þeim umsækjendum gert skylt að ljúka námskeiði í aðferðafræði lögfræðinnar með meðaleinkunnina 6,0 eða hærra sem hluta af meistaranámi. Námskeiðið skilar þó ekki námseiningum í meistaranámi. Meistarapróf í lögfræði (ML) leiðir ekki til fullnaðarprófs í lögfræði fyrir þessa umsækjendur í skilningi 4. t. l. 1. mgr. 6 gr. 1. nr. 77/1998 um lögmenn og telst ekki sambærilegt embættisprófi í lögfræði í skilningi laga.

Deildarforseti ákveður að höfðu samráði við Námsþróunarráð fjölda þeirra nemenda sem fá inngöngu í meistaranám.

Meistaranám hefst að jafnaði að hausti. Umsóknarfrestur um inngöngu í meistaranám skal vera til og með 30. apríl vorið áður en nám hefst og skal svar við umsóknum, skilyrt eða óskilyrt, liggja fyrir eigi síðar en 20. maí.

## **6. gr.** **Námsþættir**

Eftirtaldir námsþættir geta skilað nemendum námseiningum í meistaranámi við lagadeild Háskólans í Reykjavík: Kjörgreinar, sbr. 10. gr., málstofur, sbr. 11. gr., nám erlendis m.a. á grundvelli nemendaskiptaáætlana sem deildin er aðili að, sbr. 14. gr., starfsnám, sbr. 12. gr., nám í öðrum greinum en lögfræði, sbr. 14. gr. og meistaraprófsritgerð, sbr. 13. gr.

Kjörgreinar úr grunnnámi við lagadeild Háskólans í Reykjavík geta skilað nemendum sem fengið hafa inngöngu í meistaranám á grundvelli a- eða b-liðar 5. gr. allt að 15 ECTS einingum í meistaranámi. Slíkir námsþættir eða sambærilegir námsþættir mega þó ekki hafa verið hluti af grunnnámi viðkomandi nemanda. Námsþróunarráð ákveður um hvort námsþáttur úr grunnnámi sem nemandi hyggst nýta með þeim hætti sem fjallað er um í þessari málsgrein, teljist efnislega sambærilegur við námsþátt úr grunnnámi viðkomandi nemanda.

Nemendur sem fengið hafa inngöngu í meistaranám á grundvelli c-liðar 5. gr. er heimilt að fengnu samþykki Námsþróunarráðs að velja allt að tvær kjörgreinar úr grunnnámi við lagadeild Háskólans í Reykjavík. Námsþróunarráð getur ákveðið að heimild þessi taki aðeins til hluta kjörgreina í grunnnámi. Til að standast próf í kjörgrein úr grunnnámi verður nemandi að hljóta minnst einkunnina 6,0.

## 7. gr.

### *Framboð á kjörgreinum og málstofum*

Fyrir 20. október ár hvert skal Námsþróunarráð gera tillögur um framboð á kjörgreinum og málstofum fyrir næstu tvö skólaár. Skal Námsþróunarráð vinna tillögur sínar í samráði við kennara deildarinnar. Deildarforseti skal eigi síðar en 10. janúar ákveða þær kjörgreinar og málstofur sem í boði verða á tímabilinu, eftir að hafa leitað álits deildarfundar.

Við gerð tillagna sinna skal Námsþróunarráð við það miða að á hverri önn séu í boði eigi færri en 10 kjörgreinar og málstofur samanlagt. Skulu jafnframt liggja fyrir lýsingar á kjörgreinum og málstofum og upplýsingar um umsjón og kennslu í þeim, námsmat og aðra tilhögun, að því marki sem mögulegt er. Við framboð kjörgreina og málstofa skal meðal annars taka tillit til þess að nemendum bjóðist á námstímanum hæfilegt úrval fjölbreytilegra námskeiða á sem flestum sviðum lögfræðinnar, jafnt hefðbundnum sem nýrri sviðum. Sérstök áhersla skal lögð á að nemendum bjóðist gott úrval námskeiða á þeim áherslusviðum lögfræðinnar sem mælt er fyrir um í 16. gr.

## 8. gr.

### *Námsáætlun, námsframvinda og námsmat*

Nemandi sem fengið hefur inngöngu í meistaranám að hausti skal, fyrir 1. júní á því ári sem námið hefst, setja fram heildaráætlun um námið, velja sér kjörgreinar og málstofur og setja fram óskir um starfsnám. Val hans á námskeiðum og málstofum fyrir fyrra námsárið er bindandi. Nemandi sem hefur meistaranám að vori skal setja fram áætlun um þá önn fyrir 15. nóvember. Námsþróunarráð getur heimilað nemanda að breyta skráningu í námskeið eða málstofur eftir greint tímamark ef ríkar ástæður eru fyrir hendi. Nemanda er heimilt að breyta vali á námskeiðum og málstofum á síðara námsári án samþykkis Námsþróunarráðs, allt til 1. júní á því ári sem síðara námsár hefst.

Í meistaranámsáætlun nemanda skal gera grein fyrir óskum um mat á námi sem hann hefur stundað annars staðar en við lagadeild Háskólans í Reykjavík sbr. 15. gr.

Nemandi skal greina Námsþróunarráði frá ákvörðun sinni um efni meistararitgerðar og samþykki umsjónarkennara fyrir 10. júní á því ári sem síðara námsár hefst. Frestur fyrir nemanda sem hefja meistaranám um áramót skal vera til 15. nóvember.

Nemandi skal leitast við að haga vali sínu á kjörgreinum, málstofum og öðrum námsþáttum þannig að vinna við 30 ECTS eininga meistaraprófsritgerð dreifist á allt síðara námsárið. Nemandi er að öðru leyti ábyrgur fyrir vali sínu og ákvörðunum um framvindu námsins. Sé um 60 ECTS eininga ritgerð að ræða skal miða við að vinna við ritgerð dreifist á síðustu þrjár annir námsins.

Meistaranám skal að lágmarki vera fjórar annir. Nemandi skal ljúka meistaranámi eigi síðar en þremur árum eftir að það hófst, nema deildarforseti hafi veitt honum námsleyfi. Lengist þá framangreindur tímafrestur sem námsleyfinu nemur. Nemandi getur borið

synjun á námsleyfi undir deildarfund. Deildarfundur getur veitt nemanda allt að eins árs viðbótarfrest til að ljúka námi sínu, standi sérstaklega á, og lengri frest í algerum undantekningartilvikum.

Til að standast próf í meistaranámi í lögfræði verður nemandi að hljóta minnst einkunnina 6,0 í öllum námsþáttum samkvæmt 6. gr., samanber þó 11. gr. B, 12. og 14. gr. Þetta gildir einnig eftir því sem við á um fyrra nám sem nemandi fær metið sem hluta af meistaranámi í lögfræði.

Til þess að standast námskeið þarf nemandi að fá 6 í einkunn á lokaprófi. Ef lokapróf hefur minna vægi en 20% af lokaeinkunn hefur kennari heimild til að víkja frá áðurgreindu ákvæði.

Lokaeinkunn til fullnaðarprófs í lögfræði í skilningi 2. gr. reglna þessara skal reiknuð sem vegið meðaltal einkunna úr einstökum námsþáttum í BA-námi og í meistaranámi.

## **9. gr.**

### **Kjörgreinar og málstofur**

Deildin er ekki bundin af því að bjóða upp á kennslu í kjörgrein eða málstofu ef skráðir nemendur eru færri en 10 við lok skráningarfrests. Deildinni er allt að einu heimilt að bjóða upp á kjörgreinar og málstofur sem færri nemendur hafa skráð sig í. Námspróunarráð getur heimilað hámarksfjölda í kjörgreinum. Ákvarðanir um hámarksfjölda í kjörgreinum og málstofum, sbr. 11. gr. geta komið í veg fyrir að nemandi komist að í viðkomandi kjörgrein eða málstofu.

Fyrir 20. júní á því ári sem námið hefst skal liggja fyrir ákvörðun um hvaða kjörgreinar og málstofur skuli kenndar.

Ef sérstakir erfiðleikar eru á kennslu í kjörgrein eða málstofu vegna ófyrirséðra atvika getur deildarforseti ákveðið að viðkomandi grein skuli ekki kennd.

Almennt skal bjóða upp á kennslu í kjörgreinum eða málstofum annað hvert ár, þótt heimilt sé að bjóða upp á kennslu í einstökum námskeiðum á hverju ári, eða sjaldnar en annað hvert ár.

Í kjörgreinum og málstofum í meistaranámi skal við það miðað að 4-5 kennslustundir og/eða umræðutímar standi að baki hverri einingu. Þannig séu 30-38 kennslustundir/umræðutímar að baki 7,5 ECTS eininga kjörgrein eða málstofu.

Kjörgreinar og málstofur eru í umsjón fastra kennara deildarinnar eftir ákvörðun deildarforseta. Heimilt er þó deildarforseta að fela stundakennurum umsjón kjörgreina eða málstofa ef fastir kennarar anna því ekki að hafa umsjón þeirra.

Heimilt er deildinni að bjóða upp á sumarnám, á eigin vegum eða í samstarfi við aðra, sem geti skilað nemendum einingum til meistaraþrófs samkvæmt nánari ákvörðun

deildarforseta. Þá er deildinni heimilt að bjóða upp á styttri kjörgreinar eða málstofur sem skilað geta nemendum einingum til meistaraþrófs, en sem ekki eru háð reglum þessarar greinar að öðru leyti. Tekur Námsþróunarráð ákvörðun um það hvort og hversu margar einingar skuli veittar fyrir slíkar kjörgreinar eða málstofur. Heimilt er að innheimta sérstök gjöld vegna náms samkvæmt þessari málsgrein.

## **10. gr. Kjörgreinar**

Kjörgreinar eru uppbyggðar af almennum kennslustundum, umræðutímum og verkefnum eftir ákvörðun umsjónarkennara hverju sinni. Umsjónarkennari ákveður hvernig námsmati skuli háttað, m.a. hvort haldið skuli skriflegt eða munnlegt próf, og hvort námskeiði skuli að einhverju eða öllu leyti lokið með ritgerð, verkefni eða með því að mæla frammistöðu nemanda í umræðum o. fl. Um próf og aðra verkefnavinnu gilda almennar reglur.

Kjörgreinar skulu almennt veita 7,5 ECTS einingar og skulu ný sem eldri námskeið taka mið af þeim einingafjölda. Deildarforseti getur, eftir að hafa leitað álits deildarfundar, heimilað að kjörgreinar skuli veita annan fjölda eininga.

Valgreinar á 3. ári í grunnnámi sem meistaranemar hafa aðgang að skulu jafnframt almennt veita 7,5 ECTS einingar.

## **11. gr. Málstofur**

Málstofur eru tvenns konar:

A. Almennar málstofur þar sem fjallað er um skilgreind viðfangsefni lögfræðinnar en þar sem krafist er meiri þátttöku og frumkvæðis nemenda en í hefðbundnum námskeiðum. Fjöldi nemenda í slíkum málstofum skal almennt takmarkaður við 15 nemendur og velur umsjónarkennari nemendur til þátttöku í málstofu ef fjöldi umsækjenda er umfram 15. Kennslustundafjöldi skal vera sá sami og í hefðbundnum námskeiðum en fyrirkomulag málstofunnar að öðru leyti í höndum og á ábyrgð umsjónarkennara. Námsmat í málstofum af þessu tagi skal byggjast á verkefnavinnu en ekki hefðbundnum prófum. Þó er umsjónarkennara heimilt að prófa nemendur sérstaklega úr viðfangsefni verkefna sem þeir gera skil í málstofu.

B. Málstofur tengdar rannsóknum einstakra kennara sem skulu vera vettvangur fyrir þá til að kynna rannsóknir sínar, miðla niðurstöðum þeirra og kynna nemendum vinnubrögð við rannsóknir, auk þess sem nemendur skulu vera kennara til aðstoðar við einstaka þætti rannsókna ef því er að skipta. Með slíkum málstofum skal leitast við að tengja nám nemenda við rannsóknir kennara, m.a. á vettvangi rannsóknarstofnana Háskólans í Reykjavík.

Umsjónarkennara í þessum málstofum er heimilt að setja skilyrði um hámarksþátttöku í málstofu, auk þess sem honum skal heimilt, eftir því sem við á, að velja nemendur til

Þátttöku í málstofu ef fjöldi umsækjenda er að mati umsjónarkennara umfram æskilega hámarksþátttöku í málstofunni.

Umsjónarkennari ákveður fjölda kennslustunda í málstofum af þessu tagi, að fenginni staðfestingu Námsþróunarráðs. Getur hann ákveðið að eiginlegar kennslustundir skuli vera færri en leiðir af almennum reglum, en þess í stað byggt á vinnu nemenda og sjálfsnámi, auk kennslustunda, umræðutíma eða viðtalstíma við einstaka nemenda. Í lýsingu á málstofu skal liggja fyrir áætlun umsjónarkennara um vinnulag, fjölda kennslustunda og umræðutíma og tímaáætlun vegna þeirra, að því marki sem gerlegt er. Fyrirkomulag námsmats er í höndum umsjónarkennara. Getur umsjónarkennari m.a. ákveðið að ekki skuli gefin einkunn fyrir þátttöku í málstofu, en þess í stað staðfest að tilskyldum námseiningum hafi verið lokið með fullnægjandi árangri.

Málstofur skulu almennt veita 7,5 ECTS einingar. Deildarforseti getur, eftir að hafa leitað álits deildarfundar, heimilað að málstofur skuli veita annan fjölda eininga.

## **12. gr. Starfsnám**

Deildin skipuleggur starfsnám í samvinnu við stofnanir eða fyrirtæki.

Heimilt er nemanda að leysa af hendi með viðurkenndu starfsnámi allt að 7,5 ECTS einingar í meistaranámi. Miða skal við að 7,5 ECTS einingar jafngildi viðveru á vinnustað í 150 klst, þar sem nemandi vinnur að lögfræðilegu verkefni sem er sannanlega til þess fallið að auka þekkingu hans í lögfræði og hæfni til að vinna að úrlausn lögfræðilegra verkefna.

Deildin skal leitast við að tryggja nemendum sem óska þess að ljúka einingum í starfsnámi námsvist hjá viðeigandi stofnun eða fyrirtæki. Deildin er ekki skyldug til að verða við óskum nemenda í þessu efni enda ræðst framboð á starfsnámi af þörfum og óskum samstarfsaðila deildarinnar. Ef fleiri nemendur óska eftir að ljúka einingum með starfsnámi en unnt er að koma að í starfsnámi, tekur Námsþróunarráð ákvörðun um það hvaða nemendum skuli gefinn kostur á starfsnámi og hvar. Námsþróunarráð getur sett nánari reglur um framkvæmd þessa ákvæðis.

Námsþróunarráð skal hafa frumkvæði að því að gerðir verði samstarfssamningar við þau fyrirtæki eða stofnanir sem til greina koma í þessu sambandi. Í tengslum við gerð slíkra samninga skal Námsþróunarráð tilnefna umsjónarkennara þeirra nemenda sem stunda starfsnám á grundvelli hvers samnings og samstarfsaðili tilnefna umsjónarmann með störfum nemanda innan stofnunarinnar eða fyrirtækisins.

Að jafnaði skal gert ráð fyrir því að nemandi ljúki starfsnámi með því að skila vinnuskýrslu eða ritgerð um starfsnámið.

Að loknu starfsnámi skal umsjónarmaður staðfesta vinnuskýrslu og gefa umsögn um frammistöðu nemanda. Umsjónarkennari metur, á grundvelli staðfestrar vinnuskýrslu og

umsagnar umsjónarmanns, hvort nemandi hafi lokið áætluðum námseiningum með fullnægjandi árangri.

Námsárangur nemanda vegna starfsnáms skal skráður í námsferilsskrá hans sem staðið/fallið, en einkunn ekki gefinn í tölum, og reiknast því ekki inn í meðaleinkunn nemanda.

Heimilt er Námsþróunarráði að leggja vinnu nemanda að sérstöku rannsóknarverkefni undir handleiðslu leiðbeinanda til jafns við starfsnám samkvæmt framangreindu. Námsþróunarráð getur heimilað slík rannsóknarverkefni þótt viðkomandi nemandi hafi lokið starfsnámi.

Starfsnám og sérstök rannsóknarverkefni skv. framangreindu skulu verða ólaunuð.

### **13. gr. Meistararitgerð**

Nemandi skal skila ritgerð í lok síðustu annar meistaranámsins sem vegur 30 eða 60 ECTS einingar.

#### *30 ECTS eininga ritgerð*

Allir nemendur í framhaldsnámi (ML) við lagadeild HR skulu skrifa a.m.k. 30 ECTS eininga meistararitgerð. Hún skal uppfylla eftirfarandi skilyrði:

- Fjalla um lögfræðilegt viðfangsefni eða viðfangsefni sem tekur til lögfræðilegra álitafna auk álitafna á öðrum fræðasviðum.
- Fela í sér notkun frumheimilda og afleiddra heimilda í fræðilegum tilgangi eftir því sem viðfangsefni ritgerðarinnar gefur tilefni til.
- Uppfylla þau markmið sem nemandinn hefur sett sér áður en vinnan hófst og leiðbeinandi hefur fallist á. Markmiðin skulu koma skýrt fram í inngangi ritgerðarinnar.
- Efnistökin skulu vera með þeim hætti að ljóst sé að ekki liggi færri en 600 vinnustundir að baki ritgerðinni.

Lengd 30 ECTS eininga ritgerðar skal vera á bilinu 25.000-30.000 orð, eins og þau teljast skv. ritvinnslukerfi. Deildarforseti skipar prófdómara og skulu leiðbeinandi og prófdómari sameiginlega leggja mat á ritgerð nemanda. Séu leiðbeinendur fleiri en einn, leggja þeir sameiginlega mat á ritgerðina og er þá ekki þörf á prófdómara.

Einkunn skal gefin fyrir ritgerðina með sama hætti og fyrir námskeið við lagadeild. Lagadeild skal samræma kröfur leiðbeinanda til meistararitgerða.

#### *60 ECTS eininga ritgerð*

Nemandi í meistaranámi sem fengið hefur til þess samþykki umsjónarkennara, getur sótt um til Námsþróunarráðs að skrifa 60 ECTS eininga meistararitgerð í stað 30 ECTS eininga ritgerðar.

Slík ritgerð skal uppfylla eftirfarandi skilyrði:

- Fjalla um lögfræðilegt viðfangsefni eða viðfangsefni sem tekur til lögfræðilegra álitaeftna auk álitaeftna á öðrum fræðasviðum.
- Vera hugverk höfundar og fela í sér markvert og sjálfstætt framlag til þess eða þeirra sviða sem hún fjallar um.
- Fela í sér prófun á tilgátu sem nemandinn hefur sett fram um svar við rannsóknarspurningu sem er útgangspunktur ritgerðarinnar.
- Frumheimildir og afleiddar heimildir skulu notaðar til að styrkja eða hrekja tilgátu nemandans um svar við rannsóknarspurningu sinni.
- Efnistöð skulu vera með þeim hætti að ljóst sé að ekki liggi færri en 1200 vinnustundir að baki ritgerðinni.

Ritgerð til 60 ECTS eininga skal vera 50.000-75.000 orð, eins og þau teljast skv. ritvinnslukerfi.

Hafi verið fallist á umsókn nemanda um að skrifa 60 ECTS eininga meistararitgerð, tilnefnir deildarforseti sérstaka nefnd er samanstendur af leiðbeinanda nemandans og tveimur sérfróðum mönnum á því fræðasviði sem ritgerðinni er ætlað að fjalla um. Skal meirihluti nefndarmanna hafa lokið meistaraprófi, sambærilegu námi eða æðri háskólagráðu. Skal nefndin leggja mat á ritgerð nemandans og auk þess prófa hann munnlega úr efni ritgerðarinnar í opinni málstofu. Einkunn skal gefin fyrir ritgerðina með sama hætti og fyrir námskeið við lagadeild.

Ritgerð nemanda verður ekki metin til einkunnar og námseininga fyrr en hann hefur lokið a.m.k. 60 ECTS einingum í meistaránámi með öðrum hætti.

#### **14. gr.**

##### **Nám utan lagadeildar meðan á ML námi stendur**

Nemandi í meistaránámi getur sótt um að stunda eftirfarandi nám á meistarastigi meðan á ML námi í Háskólanum í Reykjavík stendur og fengið það nám metið sem hluti af meistaránáminu.

- a. allt að 60 ECTS eininga háskólanám í lögfræði eða öðrum greinum við erlenda háskóla m.a. á grundvelli þeirra nemendaskiptaáætlana sem deildin eða Háskólinn í Reykjavík á aðild að. Ljúki nemandi prófgráðu við nám sem þar er vísað til má meta það að hámarki til 15 ECTS eininga.
- b. allt að 60 ECTS eininga nám í öðrum greinum en lögfræði í annarri deild Háskólans í Reykjavík,
- c. allt að 60 ECTS eininga háskólanám í lögfræði eða öðrum greinum við annan innlendan háskóla,

Nemandi getur þó aldrei fengið heimild til að ljúka meira en samtals 60 ECTS einingum á grundvelli a-c liða.

Nemandi sem stefnir að fullnaðarprófi í lögfræði þarf að ljúka samtals 240 ECTS einingum í lögfræði í grunnnámi og meistaránámi.

Nemandi sem ekki stefnir að fullnaðarprófi í lögfræði þarf að ljúka a.m.k. 105 ECTS einingum í lögfræðigreinum í meistaranámi.

Nemandi skal leita eftir samþykki Námsþróunarráðs til náms samkvæmt þessari grein áður en námið hefst.

Við mat á því hvort námsárangur nemanda samkvæmt a-c liðum 1. mgr. hafi verið fullnægjandi skal miðað við kröfur þess háskóla sem nám var stundað við. Námsárangur nemanda vegna slíks náms skal skráður í námsferilsskrá hans sem fullnægjandi/ófullnægjandi, en einkunnir ekki gefnar í tölum, og reiknast því ekki inn í meðaleinkunn nemanda.

### **15. gr.**

#### **Mat á eldra námi**

Nemandi getur, áður en hann hefur meistaranámið, sótt um að fá metið sem hluta af því námskeið á meistarastigi sem hann hefur lokið við innlenda eða erlenda háskóla áður en hann hóf meistaranám í lögfræði við Háskólann í Reykjavík.

Einungis er heimilt að meta slík námskeið til að hámarki 15 ECTS eininga. Ef sérstök rök mæla með því getur nemandi sem stefnir að fullnaðarprófi í lögfræði fengið metið námskeið í lögfræði á meistarastigi að hámarki 30 ECTS eininga. Nám sem er hluti af prófgráðu sem nemandi hefur þegar lokið verður þó aldrei metið til meira en 15 ECTS eininga.

Eldra námskeið á meistarastigi skal ekki metið sem hluti af meistaranámi í lögfræði ef námskeiðinu var lokið meira en níu árum áður en nemandi skráði sig í meistaranám í lögfræði.

Námsþróunarráð tekur ákvörðun um hvort og þá hvernig eldra nám skuli metið. Við það mat er auk framangreindra atriða meðal annars heimilt að líta til eðlis viðkomandi náms og námsárangurs í því.

Námsárangur nemanda vegna þess náms sem þessi grein fjallar um skal skráður í námsferilsskrá hans sem „metið“ en einkunnir ekki gefnar í tölum, og reiknast því ekki inn í meðaleinkunn nemanda.

### **16. gr.**

#### **Áherslusvið**

Innan meistaranáms við lagadeild Háskólans í Reykjavík skal lögð sérstök áhersla á að bjóða upp á námskeið á sviði alþjóðalaga og alþjóðaviðskipta, dómstóla og málflutnings og fjármunaréttar.

Þá er lagadeild heimilt að auðkenna meistarapróf í lögfræði alþjóðasviði. Í þessu skyni skulu kjörgreinar og málstofur sem deildin býður upp á auðkennd því sviði eftir því sem við á. Að fenginni tillögu umsjónarkennara, tekur Námsþróunarráð ákvörðun um hvort kjörgrein eða málstofa skuli teljast til alþjóðasviðs.

Til þess að nemandi teljist hafa lokið námi af alþjóðasviði, skal hann ljúka a.m.k. 45 ECTS einingum með kjörgreinum eða málstofum sem auðkennd eru því sviði. Þá skal hann að auki skrifa meistaraprófsritgerð á alþjóðasviði. Starfsnám á alþjóðasviði getur komið í stað námskeiða eða málstofa á því sviði samkvæmt ákvörðun deildarinnar hverju sinni.

Námsþróunarráð metur hvort nám erlendis falli undir alþjóðasvið. Að ósk nemenda getur matið farið fram áður en nám hefst, enda leggi nemandi fram fullnægjandi gögn um inntak námsins.

### **17. gr. Skólagjöld**

Háskólaráð ákveður skólagjöld í meistaránámi.

### **18. gr. Ákvarðanir og kæruleiðir**

Að öðru leyti en því sem tekið er fram í reglum þessum fer deildarforseti með endanlegt ákvörðunarvald um framkvæmd meistaránáms í lögfræði í samræmi við grein 2.4 í reglugerð fyrir Háskólann í Reykjavík. Hann getur þó falið öðrum starfsmönnum deildarinnar verkefni sem mælt er fyrir um í reglunum.

Þar sem í reglum þessum er kveðið á um að Námsþróunarráð fari með ákvörðunarvald skal litið svo á að deildarforseti hafi framselt Námsþróunarráði ákvörðunarvald sitt. Slíkum ákvörðunum getur nemandi skotið til deildarfundar sem skal þá hafa endanlegt ákvörðunarvald í málinu innan deildarinnar.

### **19. gr. Tilvísun til reglna Háskólans í Reykjavík**

Að öðru leyti en því sem fram kemur í reglum þessum gilda almennar reglur Háskólans í Reykjavík um meistaránám í lagadeild og eftir atvikum aðrar reglur lagadeildar.

Þannig samþykkt á deildarfundum lagadeildar HR 16. september 2004, 24. janúar 2005, 2. desember 2005, 6. mars 2006, 25. apríl 2006, 15.12.2006 30.1.2007 4.12. 2007, 19. apríl 2010 og 9. nóvember 2010 (Breytingar á 2. mgr. 10. gr. taka gildi frá og með haustönn 2011 og breytingar á 3. mgr. 10. gr. taka gildi frá og með vorönn 2012), 3. júní 2011,